



Zondag 6 augustus

Veurganger: ds. J. Lambers-Niers

Organist: mevr. Willy Misker

Groen

Groen is de kleur van de hoop.

Brood en vis als symbool voor Jezus

die ons door zijn leven hoop geeft.

Daarmee varen wij de toekomst tegemoet

VOORBEREIDING

Neisberichten van de karkeraod

Zingen an het begun: Psalm 25: 1 en 2

*1.Heer, ik leg mien hiele leven
in dien haand; van Dij bin 'k wis.
Wil mij huun veur spot en schaande
van elk, die mien vijand is.
Wel zien hope stelt op Dij
kan aaltied op Dij vertrouwen,
maor wel zuk niet trouw beteunt,
die zal 't wis en waor berouwen.*

*2.Heer, doe mij dien wegen kennen
deur dien woord en deur dien giest.
Ik verlang zo Dij te volgen;
dat's mij 't rechte pad dan wis.
Maak mij met dien wil bekend,
laot mij op dien weg vertrouwen;
'k hoop op Dij, dag in, dag oet,
aaltied zal ik op Dij bouwen.*

Bemoedigen en groeten

Bidden an het begun

Zingen: Psalm 25: 3 en 4

*3. Dènk toch, Heer, an dien genaode
daor ik jao niet zunder kan.
Die erbarmen, al van d'oertied,
Heer, wij weet er wis wal van!
Dènk niet an mien ontrouw, Heer,
zunden van mien jonge jaoren;
want dien goedheid is zo groot;
wil mij in genao bewaoren.*

*4. God is goed; op Hum kuw bouwen;
Hij wis zundaors 't rechte pad.
Op Hum kun wij aaid vertrouwen,
al is 't leven nog zo zwart.
As wij oes naor Hum maor richt,
lèert Hij oes zien weg te volgen;
zien genao en trouw bint wis
veur wel zien verbond wilt holden.*

Bidden

Zingen: Lied 412:1,2,3

*1. Wij looft God bovenal, want Hij is oenze Heer.
Ieuwige Vader kreg van hiel de wereld eer.
De hemel zungt Hum lof en serafs, machten, tronen.
Tot driemaal heilig is de God der legerscharen.
Gedurig klinkt heur lied en zang op hoge tonen.
De eerd' en hemel zult zien grootheid openbaren.*

*2. D' apostelschaar looft God in heerlijkheid as Heer.
Profeten, martelaars, elkien vermeldt zien eer.
Deur hiel de kerk wordt aal, daarboven, hier beneden
in stried en zegepraal, zien grote naam beleden.
Zij looft mien Heer en God, oneindig in vermeugen.
Hoe groot is zien verstaand, zien liefde zal oens heugen.*

*3. God, Vader, Do kregs lof, mien toeverlaot en steun!
Lof en anbedding veur joen iengeboren Zeun.
Lof veur joen Giest die oens as treuster is egeven.
Oens in de waarheid leidt, de weg van ieuwig leven.
God kek aal naor oens um, Do holds dien kerk in weerde.
Wij looft God overal, in hemel en op eerde!*

Lezen: Lucas 10:25-37 in een vertaling van Max Douwes.

²⁵Nou stund der een biebelkenner op um Hum in verlegenheid te brengen. Hij zee: ‘Miester, wat moe’k nou doen um ieuwig te leven?’ ²⁶En Jezus zee tegen hum: ‘Wat stiet der nou schreven in de Wet? Wat lees doe daor?’ ²⁷Hij zee: ‘Men zal van de Heer, zien God, holden met zien hiele haart en met zien hiele ziel en met aal zien kracht en met zien hiele verstaand. En zien naoste as zukzölf.’ ²⁸En Jezus zee tegen hum: ‘Dat hes goed zegd. As doe dat dös, dan zuls leven.’ ²⁹Maor hij wol zuk groot holden en zee tegen Jezus: ‘En wel mag mien naoste dan wal wezen?’ ³⁰Doe nam Jezus het woord weer over en zee: ‘Der was ies een man wel as het pad ofkwam van Jeruzalem hen Jericho. En hij vuul in haanden van rovers, wel as hum niet allennig alles ofpakden, maor hum ok heuwen en hum haalf dood liggen luten doe zie weer vortgungen. ³¹Nou kwam der toevallig een priester dat pad of en die zag die man; maor hij luup met een grote boog um hum toe. ³²En krek geliek kwam der ok een Leviet langs die stee. Die zag hum ok en luup ok deur. ³³Maor een Samaritaon die an de reis was, die kwam bij hum in de buurt en doe die hum zag, doe kreeg die slim met hum te doen. ³⁴En die kwam noar hum toe, deed verbaand op zien wonden, schunk der eulie en wien over, tilde hum op zien iegen ezel, braachde hum hen een harbarg en zörgde veur hum. ³⁵En de aandere dag gaf e de kastelein zat geld en zee: “Zörg wieder veur hum en as het meer kost, dan zal ik met je ofreken as ik weerum kom.” ³⁶Wat dunkt je: Wel van dizze drie is de naoste west van de man wel as in haanden van rovers vuul?’ ³⁷Hij zee: ‘De man wel as hum oet medelieden hölpden hef.’ En Jezus zee: ‘Gao hen en doe kreggeliek.’

Zingen: Lied 150a:1,2,4

*I.O pries toch je God! IJ engelenkoor
dat aaid naor Hum heurt, pries Hum um zien Woord!
Jao hemel, pries Hum wel zien haand alles meuk,
die alman daor boven tot dankzeggen reup.*

*2. O pries toch je God! Alman op dizz' èerd,
anbid die je annemp as zien kind.
Loof Hum die je Heer is met joecht'rende stem.
Wees wies met zien liefde: leef altied veur Hum!*

*4. O pries toch je God! Zeg daank met je lied
an Hum wel oes helpt en aaid met oes giet.
Um zien mooie èerde, um hemels genot,
zien guunst en vergeven: O pries toch je God!*

Preek: Veur wie bin ik een naoste?

Zingen: Lied 838

*1. O grote God, die's liefde bis,
o Vaoder van oes leven,
maak vol oes hart, dat wij altied
wilt an dien liefd'oes geven.
Laot oes op èerde wezen 't zolt,
't locht van de wèrld, klaor as gold.
Laot oes dien woord bewaren,
dien waarheid openbaren.*

*2. Maak oes volbrengers van dien wet,
getugen van dien vrede;
dan giet wel ofdweul met oes met
op weg op oeze bede.
En laot oes trouw dan gaon de weg
hen 'n aander, die oes gil niet lig;
Laot oes dien woord bewaren,
dien waarheid openbaren.*

*3. Lèer oes het goddelijk bestel
dat liefde is, beamen,
zodat wij niet deur oes verscheel
dien trouw zulden beschamen.
Leg oes de woorden in de mond,
die wèer herstelt dien trouwverbond.
Spreek zölf deur oeze daoden
van vrede en genaode.*

*4. Wij daankt Dij, Heer, in liefde groot,
dat Christus oes wol börngen.
Wij vunden in zien starvensnood
Dien diepste woord verbörngen.
Nog klinkt dat woord, het sprek met macht
en het wordt overal volbracht
waor liefd' an ien wordt geven;
dien liefde döt oes leven.*

Bidden

Wij besluit oes bidden met het samen hardop zeggen van de woorden die as de Here Jezus oes leerd hef:

Vaoder in de hemel!
Laot dien naam heiligd worden,
laot dien keuninkriek kommen,
laot dien wil gebeuren op de èerde net as in de hemel.
Geef oes vandaag oes dagelijks brood
en vergeef oes oeze schulde,
zoas wij vergeeft wel bij oes in de schuld staot.
En breng oes niet in verleiding,
maor verlös oes van de kwaoie macht.
Want dienende is het keuninkriek
en de kracht en de hèerlijkheid
in der ieuwigheid.
Amen.

Met de buul rond 1^e. Diaconie
 2^e. Pastoraat en Eredienst

Zingen: Lied 871

*1. Jezus zal wezen waor de zun
giet um de grote èerde um,
de maon zien lichte strepen trekt,
zowied het wiede laand zuk strekt.*

*2 Het lied in alle taalen zal
zien liefde loven overal,
en oet het kindermondje klinkt
de lofzang die zien naam umringt.*

*3 Zien riek is vol van zaligheid,
wel vast zat die wordt non weer vrij,
wel mu was komt tot rust veurgoed,
wel arm was hef non overvloed.*

*4 Laot loven elk die aosem hef
de keuning die oes alles gef.
O èerde stem non almaol saam
en priest met 't engelkoor Zien Naam*

Hensturen en zegen

Wij geeft antwoord op de zegen met zingen van:

Zingen: Lied 425

*Vol van dien reie zegen gaot wij op oeze wegen
van hier, oet dit hoes waor dien stemme wordt heurd,
In Christus verbunden, tezamen oetzunden
op pad in een wèrld die wacht op dien woord.
Um daor in genaode dien woorden as zaoden
te zèeien tot diep in het donkerste dal,
deur liefde andreven, um wel met oes leven
dien zegen te brengen die vrucht dragen zal.*

Orgelspel

Utgangscollecte: Onderhoud gebouwen

Na de dienst is er gelegenheid om koffie te drinken in de zaal achter de kerk

MEDEDELINGEN

Omzien naar elkaar

We leven mee met hen die op wat voor manier dan ook tegenslag in het leven ondervinden. We bidden voor elkaar in het vertrouwen dat God mensen gebruikt om aandacht, liefde en hoop te geven aan hen die dat nodig hebben. Daarom dit gebed uit het Liedboek (p. 1372)

*Wanneer wij moeten gaan langs de grenzen van het leven,
waar ziekte ons klein maakt, onzeker en afhankelijk,
laat ons leven dan niet verlopen in de angst.*

*Als leven pijnlijk wordt, het broze lichaam vervalst:
laat er een omarming blijven die ons draagt.*

*Laten er mensen zijn die ons vasthouden;
doe zelf uw naam eer aan
en laat U vinden als wij U zoeken.
Amen*

Bloemen

De bloemen worden gebracht door: fam. Vegter

Vorige week zijn de bloemen gebracht naar:

Mevr. P. van der Leij-Tietema, Weidesteyn, Hoogeveen

Open inloop op dinsdagmiddag

Op dinsdagmiddag bent u van harte welkom van 14.00 – 16.00 in de consistorie van de kerk. De groene zijdeur is open en ik heb de koffie en thee klaar staan! Ik kijk er naar uit als u eens binnenloopt!

Open kerk

Elke dinsdagmiddag is de kerkzaal open. U kunt daar vrij binnenlopen en even gaan zitten. Stil zijn of een kaarsje aansteken en uw gedachten de vrije loop laten. Er is altijd iemand aanwezig en ook onze predikant is beschikbaar voor vragen, een gesprek, een gebed of wat dan ook. Dit geldt niet alleen gemeenteleden. De kerk is open voor iedereen uit het dorp of wie er dan ook maar langskomt! Welkom!!

Zondag 13 augustus

Voorganger: Ds. H. Thon

Organist: Mevr. W. Misker

Collecten: 1. Diaconie
2. Pastoraat en Eredienst

Uitgang: Onderhoud gebouwen



Zuiderkerk op internet: www.pknav.nl (website)
Nieuwsbrief@pknav.nl (kopij Nieuwsbrief)